

Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Tertia, Qva Continentvr Hermiae Sozomeni
Salaminij lib. 9. Euagrij Scholastici Epiphanensis lib. 6

Christopherson, John

[Köln], 1569

Quæ Gregorius theologus de Apolinario & Eunomio in quadam ad
Nectarium scribat epistola, & quòd philosophia monachorum qui illo
tempore vixerunt, eorem hæresis restincta erat, nam orientem
propemodum ...

urn:nbn:de:hbz:466:1-12718

SOZOMENI HISTOR.

in Deum locutus, exilio condemnatus est: hæresisque ex-
cogitata ab eo, interea temporis quodammodo extincta,
propterea, quod neque Eunomius de ea, neque alius quis
piam doctus liberè dissentere ausus est. At verò Eunomi-
us, vt primum ecclesiæ Cyzicensis, pro Eleusio episcopus
constitutus est, non amplius omnino potuit quiescere, sed
apud populum concionari, & opinionem Aëtij in mediū
denuò adducere cœpit. Itaque homines, vti saepe fieri so-
let, obliti eius, qui primum hanc hæresin invenerat, eius
sectatores Eunomianos ideo appellabant, quod Eunomi-
us eam renouare, & maiore cum audacia, quam qui illam
in initio tradidisset, stabilire laborauit.

*Quæ Gregorius theologus de Apolinario & Eu-
nomio in quadam ad Nectarium scribat epi-
stola, & quod philosophia monachorum qui
illo tempore vixerunt, eorum hæresis reslin-
cta erat, nam orientem propemodum vni-
sum istorum duorum hæresis peruadebat.*

CAPVT XXVII.

Porrò Eunomium eadem cum Aëtio sensisse necessa-
riò fatendum est. Etenim ille ipse Eunomius gloria-
tur se Actium habuisse magistrum: quod quidem li-
berè saepenumero in suis ipsius scriptis testificatur. Ge-
gorius autem Nazianzenus episcopus in epistola quadam
ad Nectarium eo tempore episcopum Constantinopoli-
tanum, Apolinarium insimulat his verbis. Malo hoc,
quod velut gremio nostro continetur, Eunomius, licet
magnum sit, non tamen contentus est, sed damni loco du-
cit, si non omnes in eandem secum perniciem rapiat. Atq;
ista quidem sunt fortassis aliqua ex parte ferenda. Sedi
inter ecclesiæ calamitates ea omnium planè acerbissima est,
quod Apollinaristæ suam doctrinam tam liberè & auda-
cer in vulgus efferre permittantur. Qui quidem, nescio
quomodo, tuo permisso parem nobiscum libertatem sibi
conuentus agendi compararunt. Et quanq; tu Dei gratia
adiutus, in diuinis mysteriis adeò cumulatè eruditus es,
vt non solù causam Dei verbi accuratè agere noris, verum
etiam

etiam omnia ea, quæ ab hæreticis contra sanam fidé acutè
 excogitata sunt, plenè pespixeris, tamē non fuerit fortassis
 incommodū, vt tua amplitudo per meā tenuitatē certior
 fiat, libellū quendā Apollinarii in meas manus venisse, in
 quo omnia, quæ ad hæreticā prauitatē stabiliendā pertinēt,
 breuiter percurrit. Nam in eo asseueranter affirmat quòd
 in cœconomia incarnationis vnigeniti Dei filij non es-
 set caro ad nostram naturam reparandam aliundē assum-
 pta, sed quòd ab æternitate carnea illa natura in filio Dei
 inesset. Atque quòd hanc absurdam opinionem confir-
 met, sententiam quandam euangelij, quam malè interpre-
 tatus est, profert, quæ ita se habet: Nemo ascendit in cœ-
 lum, nisi qui descendit de ccelo, filius hominis. Sic vt pri-
 usquam descenderet, filius hominis fuerit, descenderitque
 eandē secū adferens carnē, quam iam in ccelo habet, æter-
 nam scilicet & consubstantialem. Citat porrò quandā apo-
 stoli sententiam: Quòd secundus homo cœlo. Deinde af-
 serit hominem illum, qui de cœlo venerit, inuentem non
 habere, sed deitatē vnigeniti mentis naturam suppleuisse,
 & in hominis coagmentatione tertiam partem ad animam
 & corpus (quæ in eo, vt humana fert natura, inerant)
 adiunctam esse; quippe mens in illo non erat, sed Deus ve-
 rum eius locum supplebat. Neque hac absurdā doctrina
 contentus, acquieuit, sed quo est omnium maxime pesti-
 ferum, ipsum vnigenitum Dei filium, iudicem vnuerita-
 tis, authorem vitæ, & mortis euersorem, mortalem esse af-
 firmauit, inq; sua ipsius diuinitate passum esse, & triduo il-
 lo, quo corpus mortuum erat, diuinitatem quoque eius pa-
 riter mortuam esse, & ita à patre denuō ex morte exci-
 tatam.

Cætera autem, quæ his absurdis opinionibus adiungit
 Gregorius, oratione persequi longū esset. Itaque quid de
 Dœ senserint Apollinaris & Eunomius, & quo modo,
 singuli, quibus ista curæ sunt, ex his; quæ commemorau-
 mus consyderent. Quòd si de ciusmodi rebus accuratius
 eruditri secū instituerint, ex scriptis vel istorum ipsorum,
 vel aliorum plura de illis conquirant: quandoquidem mihi
 certè ea cum ad intelligendum, tum ad oratione expli-
 candū nō sunt tam facilia'. Quod autē ista dogmata nō

SOZOMENI HISTOR.

præualuerint, neque ad valdè multos manarint, nō modò causis, quas suprà percensuimus, sed etiam monachis eius ætatis in primis a scribi debet. Nam quotquot in Syria, Cappadocia, & regionibus circumiacentibus vitam colebant monasticam, doctrinæ concilij Niceni mordicus adhæsete. Nam parum aberat quin tota illa regio à Cilicia ad phœnices usq; secta Apollinarii, Eunomij autem à Cilicibus & monte Tauro, ad Hellespontum ferè & Constantinopolim infecta fuisset. Vterque enim gentes, tum quibuscum versabantur, tum vicinas, facile ad suas opinions perduxerunt. At verò idem ferè istis accidit, quod antè Arianis acciderat. Nam populus in hisce regionibus monachos, quos diximus, propter virtutem & rectè factū magnopere admirata, eos verè de fide sentire credebat, & qui aliter sentirent, illos vtpote doctrinis adulterinis corruptos detestabatur: non aliter sanè atque Aegypti, qui monachorum suorum doctrinam secuti, Arianis strenuè resistiterunt.

De viris sanctis qui in Aegypto id temporis flourerunt, scilicet Ioanne, Or, Ammon, Bono, Theona, Copretelle, Elia, Apella, Isidoro, Sera-pione, Dioscoro, & Eulogio. CAP. XXVIII.

IAm quidem se offert occasio, ut eorum, qui in orbे Christiano se viræ monasticæ id temporis dedebant, mentionem faciam, totque ex illorum numero perse-
quar, quot pro virili mea parte potero. Nam ea ætas san-
ctissimorū virorū copiā effudit planè maximā. In ijs autē,
quos in Aegypto floruisse cognouimus Ioánes facile pni-
mas tenebat: cui Deus nō minus, q̄ antiquis prophetis, res
futuras aliisq; hominibus obscuras patefecit: largitusq; est
ei etiam facultatē medendi illis, quos perturbationes cor-
poris & morbi insanabiles diuexabant. Hinc addo Orem
qui ab ineunte adolescentia in solitudine ætatem de-
gerat, assidue Deum hymnis celebrans. Vixit herbis & na-
dicibus quibusdā aquā, sicuti repperit, biberit. Vbi autē grā-
dis natu factus est, iussu diuino in Thebaidem translatus,
plurimis præfuit monasteriis. Neque etiam ipse facultatis
diuina